


CHAKAVANZIKA CHAMWARI

ZVAKAZARURWA 10:7



ZVIRI MUKATI

Zviri Mukati



- 2 Zvishamiso ZveMweya
- 8 Kutongwa
- 12 Zita
- 16 Hupenyu Hunotevera
- 22 Chivi Chepakutanga
- 28 Zuva Rajehovha Rinotyisa
- 34 Shoko

www.mharidzo.org

KANA KUTI

VOICE OF GOD RECORDINGS
P.O. Box 412
HARARE, ZIMBABWE
(8 ST ANNES ROAD, AVONDALE, HARARE)
00263-4-303847

MWARI ACHIRI KUITA HERE
MABASA MAKURU SEZVAAKAITA
MUBHAIBHERI?

WAKAMBOZVIBUNZA HERE KUTI SEI
UCHIFANIRA KUBHABHATIDZWA?

NEKUNGOTI URI NHENGO YACHECHI,
ZVINOREVA HERE KUTI WAKAPONESWA?

CHII CHAICHO CHAKANYATSOITIKA
PAKATI PENYOKA NAEVHA MUBINDU
REEDHENI?

WAIZIVA HERE KUTI BHAIBHERI
RINOVIMBISA KUTI CHAKAVANZIKA
CHAMWARI CHAIZOPEDZISWA
MUMAZUVA ANO EKUPEDZISIRA?

YAVE NGUVA YEKUTI ZVAKAVANZIKA
ZVIKINURWE NEKUZARURWA KUNYIKA.
**UNODA HERE KUNZWA SHOKO
RAMWARI RECHOKWADI?**

Asi namazuva enzwi remutumwa wechinomwe,
kana otanga kuridza, **zvakavanzika** zvaMwari
zvichapedziswa, sezvaakaparidzira kuvaranda vake
vaporofita.

ZVAKAZARURWA 10:7

ZVISHAMISO ZVEMWEYA

Zvishamiso ZveMweya

JOHANE 14:12

*ZVIROKWAZVO, ZVIROKWAZVO,
NDINOTI KWAMURI, UNOTENDA
KWANDIRI, MABASA ANDINOITA
IYE ACHAAITAWO; UCHAITA
MAKURU KUNA IWAYA; NOKUTI
NDINOENDA KUNA BABA.*

MARKO 16:17-18

*ZVIRATIDZO IZVI ZVICHATEVERA AVO VANOTENDA; VACHADZINGA
MWEYA YAKAIPA NEZITA RANGU; VACHATAURA NENDIMI ITSPA;
VACHABATA NYOKA; KUNYANGWE VAKANWA CHINHU CHINOURAYA,
HACHINGAVARWADZI; VACHAISA MAOKO PAMUSORO PAVARWERE,
UYE VACHAPORA.*

Isu tose tinogona kuvhura mapeji eBhaibheri toona kuti Mwari anoita zvishamiso: Mosesi akapatsanura Gungwa Dzvuku, Eriya akadana nzara, Jesu akafamba pamvura, uye vadzidzi vakapodza varwere.

Pane zviuru zvezviitiko zvinoshamisa zvakanyorwa muBhaibheri. Kana Mwari vachipupurira nemashura nezviratidzo, ko zvino zvishamiso zvaKe zviri kipi nhasi uno? Anogona here kupodza kenza sekupodza kwaAkaita maperembudzi muBhaibheri? Ko AIDS nemalaria? Achiri kugona kuita chishamiso here? Hongu, Mwari vachiri kuita zvishamiso uye zviratidzo izvi zvinotevera avo vanotenda.

*Zvino, tarirai shamwari, fungai pamusoro
paMambo George weEngland, paakapodza*

multiple sclerosis, apo takamunamatira.

*Fungai pamusoro paFlorence Nightingale,
(mbuya vake, muvambi weRed Cross), akanga orema mapaundi angaita makumi matanhatu,
achitandadza ave kufa nekenza yemumatumbu
madiki emudumbu, avetepo achifa. Kanjiva
kadiki kakabbururukira muchikwenzi ipapo
ndokubva Mweya waMwari wauya ukati,
"ZVANZI NAJEHOVHA, achararama." Zvino
anorema mapaundi zana nemakumi mashanu
ane mashanu akagwinya zvizere.*

*Fungai nezvaCongressman Upshaw akagara
akasungirwa kumacheya nemubhedha
kwegore negore, kwemakore makumi
matanhatu nenhahatu. Uye nenguva isipi
akasimuka netsoka dzake, akamhanya
nemuchivakwa, ndokubata zvigunwe zvake
zvemutsoka, akanatswa zvizere.*

*Chingofungai zviuru nezviuru zvevanhu
vakapodzwa. Tingagarireiko pano kusvika tafa?
Ngatiitei chimwe chinhu pamusoro pazvo.*

Iva nokutenda kana uchirwara kana kuti uine chishuwo. Bhaibheri rinoti Jesu Kristu unogara akadaro zuro, nanhasi, nekusingaperi, saka kana Aikwanisa kulta chishamiso makore zviuru zviviri zvapfuura, zvino Anogona kuita zvimwe chete nhasi. Akativimbisa kuti takapora, kana dai tikangotenda chete.

William D. Upshaw

akashanda makore
masere ari muUnited
States House Of
Representatives
akakwkwidza
kuzova mutungamiri
wenyika muna 1932.
Tsaona papurazi
yakamuomesa
muteso achiri
mwana, akararama
makore 66 ari
pamadondoro kana
kuti muhwiricheya.
Muna 1951, akapodzwa
zvizere akafamba
zvakakanakisa upenyu
hwake hwese.



Florence Nightingale.

hama yekure
yemukoti ane
mbiri, avva
nekenza inouraya
yemudumbu.
Akatumira
mufananidzo
uyu sechikumbiro
chekupedzisira
chemunamato kenza
isati yazomuuraya.
Sekuona kwamuri
kuita, akanga asvika
pachinhano chekufa
Ishe Jesu vasati
vamupodza muna
1950. Mufananidzo
unotevera
wakatorwa mushure
mekupodzwa
kwake ukatumirwa
sechapupu chekuti
Mwari vachiri
kupodza varwere.





Tris

Griffin akaenda kuhofisi kwachiremba pakutanga kwazozi nekuda
kwemarwadzo emusana aaityira kuti zvichida kwaiva kudzoka kwekurwisana
kwake nekenza. MRI yakaratidza "kutsemuka kwetsinga" mumoyo wake,
zvakakonzenza kuti vanachiremba vaite dzimwe ongororo nekuronga
kuvhiya zvechimbichimbi zuva raitevera. Mutsetse uri kupinda nemumoyo
mumufananidzo kutsemuka kuri pachena kunogona kureva potse rufu
nenguva isipi kana kukapamuka.



Zuva rakatevera, mushure mekunge vatendi vamunamatira, vanachiremba vakaita imwe CT scan kuti vanyatsoona pane kutsemuka uku vasati vatanga kuvhiya. Panguva ino, mifananidzo yakaratidza moyo une utano uzere. Nekushamisika, chiremba wekuvhya akaudza Mai Griffin, "Handizive zvekukutaurirai. Manga muine tsinga yakachekeka, asi zvino umboo hwacho hwese hapachina." Akamuratidza mifananidzo asati anamatirwa, uye zvadaro mushure mezvo. "Makasununguka kuenda, uye zvakare, hapana chiratidzo chekenza zvakare. Mune hutano huzere."



(kuruboshwe) Chinongedzo chachiremba chakanongedzera patsinga yeropa, inova nzvimbo yedenderedzwa, rakasvibira iri pakati pemufanamidzo. Mutsetse uri mari ndiko kupatsanuka, kana "kutsemuka" kwetsinga yeropa, kunoda kurapwa pakarepo uye munhu anofa ikapamuka. (pamusoro) Ongororo yepiri yakatorwa zuva rakatevera. Kutsemuka kwakange kwanyangadika zvachose kukasambodzoka.

Tsigiro

MAPISAREMA 103:2-3

*Rumbidza JEHOVHA, O mweya wangu, urege kukanganwa makomborero ake:
Iye anakanganwira zvakaiipa zvako zvese; anoporesa kurwara kwako kwese;*

ISAYA 53:5

*Asi wakakuvadzwa nekuda kwekudarika kwedu, akarwadziwa nekuda kwezvakaipa zvedu:
kurohwa kwakatiunzira rugare kwakanga kuri pamusoro pake; uye takaporeswa nemavanga ake.*

MARKO 16:17

Zviratidzo izvi zvichatevera vanotenda; Vachadzinga mweya yakaipa nezita rangu; vachataura nendimi itsva;

RUKA 17:6

*Ishe akati, Kana maiva nekutenda kwakaita setsanga yemastardha, maiti kumuonde uyu,
Dzurwa, usimwe mugungwa; uye uchakutererai.*

JOHANE 14:12

*Zvirokawazo, zvirokawazo, Ndinoti kwamuri, Unotenda kwandiri, mabasa andinoita iye
uchaaitawo; uchaita makuru kuna iwawa; nekuti ndinoenda kunaBaba.*

I VATESARONIKA 1:5

*Nekuti evhangeri yedu haina kuuya kwamuri neshoko bedzi, asi nesimbawo, neMweya Mutsvene,
nokuziva kwazvo; sezvamunoziva kuti takanga takadini pakati penyu nekuda kwenyu.*

VAHEBHERU 2:3-4

*Ko isu tichatiza sei, kana tisina hanya nekuponeswa kukuru kwakadai; uku kwakaparidzwa
pakutanga naShe, kukasimbiswa kwatiri naivo vakamunzwa;
Naiye Mwariwo achipupurirana navo, nezviratidzo nezvinoshamisa, nemabasa esimba
mazhinji, nezvipo zveMweya Mutsvene, nokuda kwake?*

VAHEBHERU 13:8

Jesu Kristu unogara akadaro zuro, nanhasi, nekusingaperi.

JAKOBHO 5:15

*Kunyengetera kwokutenda kuchaponesa anorwara, Ishe uchamumutsa; kana akaita zvivi,
achazvikanganwirwa.*

I PETRO 2:24

*Iye akatakura amene zvivi zvedu mumuviri wake pamuti, kuti isu, kana tafa kuzvivi, tiraramire
zvakarurama: tye wamakaporeswa namavanga ake.*


Kutongwa

MAPISAREMA 96:13

PAMBERI PAJEHOVHA: NOKUTI
ANOUYA, NOKUTI ANOUYA
KUZOTONGA PASI: ACHATONGA
NYIKA ZVAKARURAMA,
NENDUDZI NOKUTENDEKA
KWAKE.

Pane zviuru zvemasangano akasiyana munyika nhasi. Chinamato chega-chega chinopomera chimwe, asi vachivimbisa ruponeso kubudikidza nemusangano ravo. Tingaziva sei ratingasarudza?

Kana tikasarudza chechi yeKatorike, zvino tinogamuchira kurevererwa nevasande, zvisina kumbosiyana nekunamata zvifananidzo. Bhaibheri rinoti, "Nekuti kunongova naMwari mumwe chete, nemurevereri mumwe chetewo pakati pavanhу naMwari, ndiye munhu Kristu Jesu;" (I Tim 2:5). Muprisita anodanwa kunzi "Baba" zvinova zvakarambidzwa naJesu muna Mateo 23:9: "Musadaidza munhu ari panyika kuti baba venyu: nekuti mumwe chete ndiBaba venyu, ivo



vari kudenga." VeAssemblies of God vanotiudza kuti kutaura nendimi ndicho chiratidzo chekutanga cheMweya Mutsvene, iye Pauro akati, "Kunyange ndikataura nendimi dzevanhu nedzevatumwa, ndisina rudo, ndava sendarira dzinorira, kana nedare rinongoti ngwere-ngwere." (I VaKorinte 13:1)

Potse masangano ese anokurumidza kutiudza kuti zvinhu zvakawanda zviri muBhaibheri hazvina kuturikirwa kwazvo, zvakarasika mududziro, kana kuti hazvisi maererano nenyika yanhasi. Saka, tinofanira here kutenda Bhaibheri kana dzidziso dzemasangano? Mwari ahashandisei sechiero chekutonga?

Dai ndaibvunza weChikatorike pano manheru ano, "Chii chaunofunga kuti Mwari achatonga nyika nacho?" Mukatorike anoti, "NeChechi yeKatorike." Zvakanaka, zvino ipi Chechi yeKatorike? Zvino vane yeRoma, Greek Orthodox, nemamwe akawanda. Ingava Chechi ipi yeKatorike? VeRutherani vanoti, "Nesu," zvino imi veBaptisti muri kunze. Uye kana tikati, "NeveBaptisti," zvino imi vePentecosti mave kunze. Saka paizova nenyonganyonga yekuti, hapana aizoziva zvekuita; saka iYe haana kuvimbisa kutonga nyika nekereke.

Akavimbisa kutonga nyika naKristu, uye Kristu iShoko. Zvino Bhaibheri ndiro richatonga nyika, rinova Jesu Kristu mumwe chete zuro, nhasi, nekusingaperi.

Tsigiro

JOHANE 1:1

Pakutanga Shoko rakanga riripo, Shoko rakanga riri kuna Mwari, Shoko rakanga riri Mwari.

JOHANE 1:14

Shoko rakazova nyama, rikagara pakati pedu (tikaona kubwinya kwake, kubwinya sekewewakaberekwa mumwe chete waBaba,) azere nyasha nezvokwadi.

JOHANE 5:22

Nokuti Baba havatongi munhu, asi vakapa **Mwanakomana kutonga kwese:**

JOHANE 12:48

Unondiramba, asingagamuchiri mashoko angu, ane mumwe anomutonga: **shoko randakareva, ndiro richamatonga nezuva rekupedzisira.**

VAEFESO 1:5-7

Akatitemera kare kuti najesu Kristu titwe vana vake, sezvaakafadzwa pakuda kwake, Kuti kunaka kukuru kwenyasha dzake, dzaakangotipa hake mumudikanwa wake kurumbidzwe. Uyo watine dzikinuro maari neropa rake, iko kukanganwirwa kwekudarika kwedu, nokuwanda kwenyasha dzake;

VAEFESO 2:5-8

Kunyange takanga takafa mukudarika kwedu, wakatiraramisa pamwe chete naKristu, (makaponeswa nenyasha;) Akatimutsa pamwe chete naye, akatigarisa kudenga pamwe chete naye muna Kristu Jesu: Kuti nenguva dzinouya aratidze pfuma huru-huru yenyasha dzake paunyoro hwake kватiri muna Kristu Jesu.

Nokuti makaponeswa nenyasha kubudikidza nekutenda; izvo zvingabvi kwamuri: asi chipo chaMwari:

I JOHANE 1:7

Asi kana tichifamba muchiedza, saiye ari pachiedza, tinoyanana isu, **neropa raJesu Kristu Mwanakomana wake rinotinatsa pazvivi zvose.**

ZVAKAZARURWA 22:18-19

Ndinopupurira mumwe nomumwe unonzwa mashoko okuporofita kwebhuku iyi, Kana munhu akawedzera pazvinhu izvi, Mwari achawedzera kwaari madambuziko akanyorwa mubhuku iyi: Kana munhu akabvisa mashoko ebhuku yekuporofita uku, Mwari achabvisa mugove wake mubhuku reupenyu, nemuguta dzvene, napazvinhu zvakanyorwa mubhuku iyi.



MARKO 16:16

*UYO ANOTENDA AKABHABHATIDZWA
ACHAPONESWA; ASI ASINGATENDI
ACCHATONGWA.*

MABASA AVAAPSTORA 2:38

PETRO AKATI KWAVARI, TENDERUKAI, MUMWE NEMUMWE
WENYU ABHABHATIDZWE NEMUZITA RAJESU KRISTU KUTI
MUKANGANIRWE ZVIVI, MUPIWE CHIPO CHOMWEYA MUTSVENE.

Zviri pachena, rubhabhatidzo runokosha zvikuru,
asi zvine basa here kuti tabhabhatidzwa *sei?* Pane
kubhabhatidzwa chaiko here, kana kuti chero chinhu
chingaita? Kana uchitenda Bhaibheri, zvino HONGU,
pane rubhabhatidzo chairwo.

Machechi mazhinji anobhabhatidza muZita raBaba,
Mwanakomana, neMweya Mutsvene, asi izvi handizvo
maererano neBhaibheri.

Muna Mabasa Avaapostora 19, paiva nevamwe vanhu
vaitotenda pana Jesu Kristu nechekare, asi vakanga
vasati vagamuchira Mweya Mutsvene mumoyo yavo.
Muapostora Pauro aiziva nzira kwayo yekugamuchira
Mweya Mutsvene, saka akavabvunza, “*Ko
makabhabhatidzwa nerubhabhatidzo rwupiko?*” Vakati,
“*Norubhabhatidzo rwajohane.*” (Mabasa Avaapostora
19:3) Pauro akaona kuti vakanga vasina kubhabhatidzwa
maererano nerairo yaPetro muna Mabasa Avaapostora
2:38, saka akavaraira kuti vahabhatidzwe zvakare
nemuZita ralshe Jesu. Zvadaro, sezvakavimbiswa,
vakagamuchira Mweya Mutsvene.





Saka, sei vadzidzi vakabhabhatidza nemuZita raJesu iye Jesu, pachaKe, akavaudza kuti vabhabhatidze **muZita** (kwete "mazita") raBaba, nereMwanakomana, nereMweya Mutsvene? (Mateo 28:19) Vakakanganisa here? Kwete! Vakaita chaizvo zvavakarairwa.

Pauri kuverenga chinyorwa chino, funga pamusoro pezita rako. Uri mwanakomana here? Zita rako ndi, "Mwanakomana" here? Uri amai here? Zita rako ndi, "Amai" here? Zvirokwazvo handizvo, iwayo anongova madunhurirwa. Une zita rako chairo, naMwariwo zvakare.

Heino mhinduro:

Zvino hapana kana chinhu chakadaro muBhaibheri chemunhu akambobhabhatidza nemuZita raBaba, Mwanakomana, Mweya Mutsvene; nekuti hakuna chinhu chakadaro. Baba harisi zita; uye Mwanakomana harisi zita; neMweya Mutsvene harisi zita; asi Zita raBaba, Mwanakomana, Mweya Mutsvene ndilshe Jesu Kristu.

Jesu Kristu ndiMwari! Ndiye Baba, Mwanakomana, neMweya Mutsvene.

Kana uri kutsvaga Mweya Mutsvene uchitadza kuziva kuti sei Ishe vasati vaupa kwauri, zvino ungada kuzvibvunza mubvunzo mumwe chete wakabvunzwa naPauro, "Ko makabhabhatidza nerubhabhatidzo rwupiko?"

Tsigiro

MATEO 28:19

Endai naizvozo, mudzidzise marudzi ose, muvabhabhatidze nemuzita raBaba, neroMwanakomana, neroMweya Mutsvene: [Zita raBaba ndiani? ReMwanakomana? ReMweya Mutsvene?]

MARKO 16:16

Anotenda akabhabhatidza achaponeswa; asi asingatendi achatongwa.

JOHANE 5:43

Ndakauya nemuzita raBaba vangu, asi hamundigamuchiri: kana mumwe akasvika nezita rake amene, muchamugamuchira iye. [Kana Akuya muZita raBaba vaKe, zvino Zita raKe ndiani?]

JOHANE 10:30

Ini naBaba vangu tiri mumwe.

JOHANE 12:45

Anondiona anoona wakandituma.

JOHANE 14:8-9

Firipo akati kwaari, Ishe, tiratidzei Baba, zvigočiringana.

Jesu akati kwaari, Ndakava nemi nguva refu yakadai, ko hausati wandiziva here, Firipo? wondiona ini waona Baba; zvino unoreva seiko uchiti, Tiratidzei Baba?

JOHANE 20:27-28

Ipapo akati kuna Tomasi, Uya pano nemunwe wako, uone zvanza zvangu; uya neruoko rwako, uise murutivi rwango: usava usingatendi, asi uchitenda.

Tomasi akapindura akati kwaari, Ishe wangu naMwari wangu.

MABASA AVAAPOSTORA 2:38-39

Petro akati kwavari, Tendeukai, mumwe nemumwe wenyu abhabhatidze nezita raJesu Kristu kuti mukanganirwe zvivi, mupiwe chipiwa cheMweya Mutsvene.

Nokuti chipikirwa ndechenyu, nevana venyu, nevose vari kure, vanozodanwa naShe Mwari wedu.

MABASA AVAAPOSTORA 4:12

Nokuti hakuna kuponeswa kune mumwe: nekuti hakuna nerimwe zita pasi pedenga rakapiwa pakati pavanhu, ratingasunungurwa naro.

MABASA AVAAPOSTORA 8:12

Zvino vakati vatenda Firipo aiparida mashoko eushe hwaMwari, nezita raJesu Kristu, vakabhabhatidza, varume nevakadzi.

MABASA AVAAPOSTORA 19:3-6

Akati kwavari, Ko makabhabhatidza nerubhabhatidzo rwupiko? Vakati, Nerubhabhatidzo rwajohane.

Zvino Pauro akati, Johane akabhabhatidza nerubhabhatidzo rwekutendeuka, achiudza vanhu, kuti vatende kuna iye anozouya shure kwake, iye, Kristu Jesu.

Vakati vazvinzwa izvo, vakabhabhatidza muZita raShe Jesu.

Zvino Pauro akati aisa maoko aka pamusoro pavo, Mweya Mutsvene wakauya pamusoro pavo; vakataura nendimi, vakaporofita.

VAEFESO 4:5

Ishe mumwe, nekutenda kumwe, nerubhabhatidzo rumwe,

VAKOROSE 3:17

Uye zvese zvamunoita kana zviri zveshoko kana basa, itai zvese nezita raShe Jesu, muchivonga Mwari Baba naye.

I JOHANE 5:7

Nokuti kune zvitatu zvinopupura kudenga, zvinoti Baba, Shoko, neMweya Mutsvene: zvino zvitatu izvi chinhu chimwe.

HUPENYU HUNOTEVERA

JOHANE 5:28-29

MUSASHAMISWA NAIZVOZVO:
NOKUTI NGUVA INOYA,
NAYO VOSE VARI MUMABWIRO
VACHANZWA INZWI RAKE,
VACHABUDA;
AVO VAKAITA ZVAKANAKA,
KUKUMUKA KWEUPENYU; AVO
VAKAITA ZVAKAIPA, KUKUMUKA
KWEKUTONGWA.

Kuchauya zuva apo mumwe nemumwe wedu, angave Mukristu kana chimwe, achaona chaizvo izvo zviri kuseri kwechidzitiro chenguva. Bhaibheri rinoimbisa Hupenyu Husingaperi kune vamwe, uye kune vamwe, rinoimbisa kutongwa. Munhu wese munhoroondo yeze zvirokwazvo akambozvibvunzawo mubvunzo uyu, "Chii chichaitika kwandiri kana ndafa?"

Kare-kare kusati kwambova neBhaibheri rekuverenga, muporofita Jobho akatarisa zvisikwa. Akataura pamusoro petariro yemuti, kuti waitemerwa pasi sei wofa, asi nemumunhuwi wemvura, unobukira zvakare kuupenyu wotungira patsva. Jobho waiziva kuti munhu, semuti, aizomuka zvakare kuhupenyu:

Kana munhu achinga afa, ungararamazve

here? ndaimirira hangu mazuva ese ekutambudzika kwangu, kusvikira kusunungurwa kwangu kuchisvika.

Maizodana, ini ndikakupindurai: maishuva basa ramaoko enyu.

Asi zvino munoverenga nhambwe dzangu: hamucherechedze chivi changu here? (Jobho 14:14-16)

Jobho angange aisava neBhaibheri rekuverenga, asi aiziva kuti nerimwe zuva Mwari vaizomumutsa kubva mubwiro apo Mudzinkinuri wevanhu anouya.

Haiwa dai mashoko angu ainyorwa zvino! haiwa dai ainyorwa mubhuku!

Dai aitemwa nepeni yedare nemutobvu aitemwa padombo nekusingaperi.

Asi ndinoziva kuti mudzinkinuri wangu mupenyu, uye kuti pakupedzisira achasimuka panyika:

*Kunyange ganda rangu richinge raparadzwa saizvozvo, **kunyange zvakadaro ndichaona***

Mwari ndiine nyama yangu: (Jobho 19:23-26)

Muporofita waitaura pamusoro palshe Jesu nerumuko rwevanhu vaKe. Kubudikidza nechizaruro Jobho waiziva kuti kunyange mitumbi yedu ingaparara, Jesu achadzoreredza nyama yedu. Uye nemeso edu, tichaona Kuuya kwaKe. Vanhu vese vaMwari vanoshuva kuona zuva guru iroro.

Zvisinei, sekungovapo kuri Mwari, kuna dhiyabhorosiwo zvakare; uye sekungovapo kweDenga, kune gehenawo zvakare. Mibhadharo yacho yakakura kupfuura zvatingafungira. MuApostora Pauro akati, "Izvo zvisina kuonekwa neziso, kana kunzwika nenzeve, nezvisina kupinda mumoyo wemunhu, ndizvo Mwari zvaakagadzirira vanomuda." (I VaKorinte. 2:9)

Pfungwa dzedu hadzgoni kufunga nezvekubwinya kuchange kuri Kudenga, kana kufunga kutyisa kwegeheni. Jesu wakatiudza kuti gehena rakaisvoipa zvekuti zvingave nane dai imwe nhengo yemutumbi wedu yaidamburwa pane kupinda njodzi yekuenda kunzvimbo yakaipisia iyoyo.

Kana ruoko rwako ruchikugumbusa, urwugure: zviri nani kwauri kuti upinde muupenyu uri chirema, pakuenda mugehena, mumoto usingadzimwi unamaoko maviri: (Marko 9:43)

Saka ndiani achaenda Kudenga? Uye ndiani achaenda kugeheni? Ipfungwa inosuwisa, asi Jesu akati vanhu vazhinji havazogamuchiri mubairo waAri kuda kupa: *Pindai nesuwo rakamanikana: nokuti suwo rakafara, uye nzira yakapamhamha, inoenda kukuparatzwa, vanopinda naro vazhinji: Nekuti suwo rakamanikana, nenzira inhete, inoenda kuupenyu, vanoiwanavashoma.* (Mateo 7:13-14)

Jesu zvakarewo akati, "**Havazi vese vanoti kwandiri, Ishe, Ishe, vachapinda muushe hwekudenga;** asi anoita kuda kwaBaba vangu vari kudenga. Vazhinji vachati kwandiri nezuva

iro, Ishe, Ishe, hatina kuporofita muzita renyu here? nekudzinga mweya yakaipa muzita renyu here? nekuita mabasa esimba mazhinji muzita renyu here? Zvino ndichavaudza pachena, handina kutongokuzivai: ibvai kwandiri, imi vaiti vekusarurama." (Mateo 7:21-23)

Nekungoti munhu anozviti Mukristu hazvirevi kuti akaponeswa. Saka, ndiwo mubvunzo wagara uri mupfungwa dzedu: Ndinogamuchira sei Hupenyu Husingaperi? Jesu akatipa mhinduro iri nyore kwazvo: *Zvirokwazvo, zvirokwazvo, ndinoti kwamuri, Anonzwa shoko rangu, nokutenda wakandituma, ane hupenyu husingaperi, haayi mukutongwa; asi wabva murufu waenda muhupenyu.* (Johane 5:24)

Zvinosuwisa, kuti pane vanhu vashoma munyika nhasi vakazvipira kutora nguva yavo kubva mumazuva avo ane bishapisha kuti vanzwe Shoko raMwari. Uye patori nevashoma kudarika ivavo vachatenda Shoko racho pavanenge varinzwa.

Machechi anotiuza kuti uve munhu akanaka, kufunga zvakanaka, usanyepa, kubirira, kana kuba, zvino tichaenda Kudenga. Havanzwisisi kuti gehena richange rizere nevanhu vanoita sevanorarama hupenyu hwakanaka. Chokwadi ndechechuti hatisi kuenda Kudenga nekuda kwezviito zvedu zvakanaka kana nekuti tiri nhengo yeimwe chechi. Pane nzira imwe chete kuHupenyu Husingaperi, inova kubudikidza naJesu Kristu. Akatiraira kuti tinofanira KUTENDA Shoko raKe, inova Bhaibheri. Zvikasadaro, tingazoponeswa sei?

Zuva rekutongwa parichakuvinga, uchanzwa here,
"Uyai, imi makaropafadzwa naBaba vangu, mugare
nhaka youshe hwakagadzirirwa imi kubva pakuvamba
kwenyika," (Mateo 25:34) kana kuti uchanzwa here,
"Ibvai kwandiri, imi makatukwa, muende kumoto
usingaperi, wakagadzirirwa dhiyabhorosi nengirozi
dzake"? (Mateo 25:41)

Maziso ako paaverenga mashoko aya, une sarudzo
yekutora: Uchasarudza kutenda Shoko raMwari here?

Uchagarepi muhupenyu husingaperi?

Tsigiro

JOBHO 14:12-16

Saizvovo munhu anovata pasi, akasamukazve: havazomukizve, kusvikira denga rapera,
havangamutswi pahope dzavo.
Haiwa dai muchindivanza henuy pasheori, muchindichengeta pakahwanda, kusvikira hasha
dzenyu dzapfuura, munditemere nguva yaktarwa, yamungandiranganiria nayo!
Kana munhu achinge afa, ungararamazve here? ndaimirira hangu mazuva ose okutambudzika
kwangu, kusvikira kusunungurwa kwangu kuchisvika.
Maizodana, ini ndikupindurai: maishuva basa ramaoko enyu.
Asi zvino munoverenga nhambwe dzangu: hamucherechedze chivi changu here?

JOBHO 19:23-26

Haiwa dai mashoko angu ainyorwa zvino! haiwa dai ainyorwa pabhuku!
Dai aitemwa nepeni yedare nemutobvu aitemwa padombo nekusingaperi!
Asi ndinoziva kuti mudzikinuri wangu mupenyu, uye kuti pakupedzisira uchasimuka panyika:
Kuryange ganda rangu richinge raparatzwa saizvozvo, kuryange zvakadaro ndichaona Mwari
ndiine nyama yangu:

MATEO 7:21-23

Havazi vese vanoti kwandiri, Ishe, Ishe, vachapinda muushe hwekudenga; asi vanoita kuda
kwaBaba vangu vari kudenga.
Vazhinji vachati kwandiri nezuba iro, Ishe, Ishe, hatina kuporofita muzita renyu here? nekudzinga
mweya yakaipa muzita renyu here? nekuita mabasa esimba mazhinji muzita renyu here?
Zvino ndichavaudza pachena, Handina kutongokuzivai: ibvai kwandiri, imi vaiti vekusarurama.

MATEO 22:14

Nokuti vazhinji vakadanwa, asi vakasanangurwa vashoma.

JOHANE 3:16-17

Nokuti Mwari wakada nyika nokudaro, kuti wakapa Mwanakomana wake wakaberekwa mumwe
woga, kuti aninani anotenda kwaari arege kufa, asi ave nehupenyu husingaperi.
Nokuti Mwari haana kutumira Mwanakomana wake panyika kuti atonge nyika; asi kuti nyika
iponeswe naye.

JOHANE 5:24

Zvirokawazo, zvirokawazo, ndinoti kwamuri, Anonzwa shoko rangu, nokutenda wakandituma, ane
hupenyu husingaperi, haauyi mukutongwa; asi wabva murufu waenda kuupenyu.

I VAKORINTE 2:9

Asi sezvazvakanyorwa zvichinzi, Izvo zvisina kuonekwa neziso, kana kunzwika nenzeve, nezvisina
kupinda mumoyo wemunhu, ndizvo Mwari zvaakagadzirira avo vanomuda.

I VATESARONIKA 4:13-18

Zvino hama dzangu, handidi kuti mushaiwe ruzivo, pamusoro pevavete, kuti murege kuchema,
savamive vasina tarivo.
Nokuti kana tichitenda kuti Jesu wakafa akamukazve, saizvozvovo avo vakavata muna Jesu Mwari
achavayisa pamwe chete naye.
Nekuti tinokuidzai neshoko naShe, kuti isu vapenyu vakasara kusvikira pakuyia kwaShe
hatingatongodzivis vakavata.
Nokuti Ishe amene achaburuka kudenga nokudanidzira, nenzwi remutumwa mukuru,
nehwamanda yaMwari: vakafa muna Kristu vachatanga kumuka:
Zvino isu vapenyu vakasara tichatorwa pamwe chete navo mumakore, kuti tichingamidze Ishe
mudenga: naizvozvo tichava naShe nguva dzose.
Naizvozvo nyaradzanai namashoko aya.

Chivi Chepakutanga

GENESI 3:1

ZVINO NYOKA YAKANGA
INAMANO KUPFUURA MHUKA
DZOSE DZESANGO DZAKANGA
DZAITWA NAJEHOVHA MwARI.
IKATI KUMUKADZI, NHAI, NDIZVO
HERE KUTI MWARI WAKATI, REGAI
KUDYA MITI YESE YOMUNDA?

GENESI 3:6-7

ZVINO MUKADZI AKATI ACHIONA KUTI MUTI WAKANAKA KUDYIWA,
UYE KUTI UNOFADZA MESO, UYE KUTI MUTI UNODIKANWA
KUNGWADZA MUNHU, AKATORA MUCHERO WAWO, AKADYA,
AKAPAWO MURUME WAKE PAMWE NAYE; IYE AKADYA.
IPAPO MESO AVO IVO VAVIRI AKASVINUDZWA, VAKAZIVA KUTI
HAVANA KUSIMIRA; VAKASONANIDZA MASHIZHA EMUONDE,
VAKAZVIITIRA NGUWO.

GENESI 3:14-15

ZVINO JEHOVHA MwARI AKATI KUNYOKA, ZVAWAITA IZVOZVO,
WATUKWA KUPFUURA ZVIPFUWO ZVOSE, NEKUPFUURA MHUKA
DZESE DZESANGO; UCHAFAMBA NEDUMBU RAKO, UCHADYA HURUVA
MAZUVA OSE EHUPENYU HWAKO:

ZVINO NDICHAISA RUVENGOPAKATI PAKO NEMUKADZI, NEPAKATI
PEMBEU YAKO NEMBEU YAKE; IYO ICHAPWANYA MUSORO WAKO,
NEWWE UCHAPWANYA CHITSITSINHO CHAYO.

Ichi ndicho chivi chekutanga chakanyorwa muBhaibheri. Chisikwa chinamano kupfuura zvese, chikara, "chakanyengera" Evha mukudya chimedu chemuchero usingabvumirwe. Akaudya ndokuzoupa kumurume wake, zvakaita kuti vacherechedze kuti vakanga vasina kusimira.

Mibvunzo iri pachena ndeyekuti: Ko nyoka ingataure sei? Apurosi ringave nechii chekuita nekusasimira? Uye, mbeu yenyska inokwana papi mune izvi zvose?

Bhaibheri rinotaura kuti nyoka yaiva "namano" kudarika mhuka dzose. Yaiva yakaita semunhu, zvokuti yaikwanisa kufamba, kutaura, uye nokuva nehurukuro ine hungwaru.

Mushure mokunyengera mudzimai waAdhama, Mwari wakaituka ikava nyoka, asi kwete kuparadza kusati kwaitwa uye nembeu isati yadyarwa.

Bhaibheri rinotaura munaGenesi 3:15 kuti nyoka yaiva nembeu, zvino Mwari akaisa *ruvengo* pakati pembeu mbiri idzi. Zviri pachena, kuti



mbeu yenyoka yakasangana nembeu yepanyama yaEvha pasati pava nekupatsanurwa. Ko zvese izvi zvingagokonzerwa nekudya apurosi sei? Zvadaro, mavhesi mashoma akatevera, "Adhama akadana mudzimai wake kuti Evha; nokuti ndiye amai wavose vanorarama." Cherechedzai kuti hariti Adhama aiva baba wavose vanorarama.

Pane "michero" yakasiyana-siyana muBhaibheri. Hongu, pane muchero chaiwo, seapurosi, rinokura rodyiwa sechikafu. Panewo muchero unoreva mabasa edu, angave mabasa epanyama sekurima nebhizimu, kana mabasa emweya sekuita zvishamiso nekuparidza Vhangeri. Zvino, panozoita muchero wechiberekwa, unoreva kubata mimba nekusununguka mwana.

Kudya muchero chaiwo kungapa Adhama naEvha kunzwisia kwekuti vakanga vasina kusimira here? Kana kuti, kungatora ukama hwepanyama pakati pemurume nemudzimai kuti vese vanzwisise kuti sei vachifanira kufukidza nhengo dzakatsaurwa dzemitungi yavo?

Chii chakanyatsoitika zuva riye muBindu kuti rudzi rwose rwevanhu rwugowa?

*Sezvo Mbeu yemudzimai yaiva Mwari
achizvibereka pachaKe munyama yevanhu,
saizvozvo mbeu yenyoka ndiyo nzira chaiyo
iyo Satani akaona kuti aikwanisa kuzvizurira
mukova murudzi rwavanhu. Zvaisagoneka
kuti Satani (nokuti iye angori munhu-mweya
AKASIKWA) azvibereke nenzira iyo Mwari
aiZvibereka nayo, saka chiitiko chemuna*

Genesi chinoreva kuunza kwaakaita mbeu yake nekuzviunza kana kuzvipinza murudzi rwevanhu. Zvakare rangarirai kuti Satani anonzi "nyoka." Imbeu yake kana kuti kuzvipinza kwake murudzi rwevanhu kwatiri kutaura nezvako.

Adhama asati ambova neruzivo rwepanyama rwaEvha, nyoka yakava neruzivo urwu mberi kwake. Uye mwana wayo ndiKaini. Kaini aiva uyo (akabarwa, akaberekwa) ne "Wakaipa," I Johane 3:12.

...Chokwadi chenyaya ndechekuti Evha aiva nevanakomana VAVIRI mumimba yake (mapatya) kubva kumbeu DZAKASIYANA. Aiva akatakura mapatya, nemimba yaKaini yaAbheri isati yabata.

Tsigiro

GENESI 3:6-7

Zvino mukadzi akati achiona kuti muti wakanaka kudyiwa, uye unofadza meso, uye kuti muti unodikanwa kungwadza munhu, akatora muchero wawo, akadya, akapawo murume wake pamwe naye; iye akadya.

Ippapo meso avo ivo vaviri akasvinudzwa, **vakaziva kuti havana kusimira**; vakasonanidza mashizha emuonde; vakaziitira nguwo.
[Vaigoziva sei kuti havana kusimira nekungodya chimedu chemuchero?]

GENESI 3:13-15

JEHOVHA Mwari akati kumukadzi, Chinyiko chawaita? Mukadzi akati, **Nyoka yandinyenger**, ndikadya.

JEHOVHA Mwari akati kunya, Zvawaita izvozvo, watukwa kupfuura zvipfuwo zvose, nokupfuura mhuka dzese dzesango; uchafamba nedumbu rako, uchadya huruva mazuva ose chupenyu hwako:

Ndichaisa ruvengo pakati pako nemukadzi, nepakati pembeu yako nembeu yake; iyo ichapwanya musoro wako, newe uchapwanya chitsitsinho chayo.

[Chikara chaiva nembeu. Zviri pachena kuti, izvi hazvirevi nyoka.]

GENESI 3:20

Adhama akatumidza mudzimai wake zita rokuti Evha; nokuti **ndiye mai vevapenyu vose**.
[Sei Adhama asiri kudanwa kunzi baba vevapenyu vose?]

GENESI 4:1-2

Zvino Adhama **akaziva mukadzi wake Evha**; iye ndokutora mimba, akapona Kaini, akati, **Ndawana munhu ndichibatsirwa naJEHOVHA**.

Akaponazve munin'ina wake Abheri. Abheri wakanga ari mufudzi wamakwai, asi Kaini wakanga ari murimi wevhу.

[Hupenyu hwese hunobva kuna Mwari, zvisinei kuti hwauya nehupombwe kana kwete. Satani haagone kusika hupenyu.]

RUKA 3:38

Aiva **mwanakomana waEnosi, mwanakomana waSeti, mwanakomana waAdhama,** mwanakomana waMwari.

[Kaini dangwe murudzi rwaAdhama uripi?]

I JOHANE 3:12

Tisingaiti saKaini, wakanga ari wowakaipa, akauraya munin'ina wake. Wakamuurayireiko?

Nokuti mabasa ake akanga akaipa, asi emunin'ina wake akanga akarurarama.

[Mwari vakasika Adhama ari mumufananidzo waVo. Ko huipi hwaKaini hwakabvepi, uye kururama kwaAbheri kwakabvepi? Hunhu hwavo vakahuwana kubva kumadzibaba avo.]

JUDHASI 1:14

Enoki zvakare, wechinomwe kubva kuna Adhama, akaporofita ivava, achiti, Tarira, Ishe wakauya navatsvene vake vane zviuru gumi,
[Hapano muBhaibheri apo Kaini paari mudzinza raAdhama.]



ZUVA RAJEHOVHA RINOTYISA

Zuva Rajehovha Rinotyisa

MARAKI 4:1

NOKUTI, TARIRAI, ZUVA
RICHAYUA, RICHAPISA SECHOTO...

MARAKI 4:5-6

TARIRAI, NDICHAKUTUMIRAI MUPOROFITA ERIA ZUVA IRO GURU
RAJEHOVHA RINOTYISA RISATI RASVIKA:

IYE UCHADZORERA MWOYO YEMADZIBABA KUVANA, NEMWOYO
YEVANA KUMADZIBABA AVO, KUTI NDIREGE KUUYA NDIROVE
NYIKA NOKUTUKA.

Bhuku rekupedzisira remuTestamende Yekare
rinovimbisa kuparadzwa kwenyika. Asi magumo
asati asvika, Eria muporofita akafanotaurwa kuti
achadzoka kuzozivisa Mhesiya. Vamwe vanoti Johane
Mubhabhatidzi akazadzikisa chiporofita ichi.

Makore zviuru zviviri zvapfuura, maJudha aitarisira
kuuya kwaMhesiya. Vaiziva kuti Maraki akaporofita
nezvemurume ane mweya waEria aizozivisa Mhesiya
kwavari. Asi Johane Mubhabhatidzi paakauya, akanga
asiri zvavaitarisira kuti Eria aizova. Pavakabvunza Jesu
kuti sei Eria asina kuuya kutanga, Akavaudza zvakajeka
kuti Johane ndiyе aiva kuzadzikiswa kwechiporofita
ichocco: *"Kana muchida kuzvigamuchira, ndiyе Eria,
wakanga achinzi anouya."* (Eriya muchiGiriki zvinoreva
Eria, muchiHebheru.)



Raingova boka diki ravanhu vakagamuchira chizaruro ichi. Kuvakuru vezvinamato vazhinji, Johane aingova mutsoropodzi wemasangano ane shungu dzakawandisa. Havana kupotsa mweya waEria chete, asi kupfuura izvozvo, vakapotsawo zvakare Kuuya kwaKristu.

Saka Johane Mubhabhatidzi akazadzikisa chiporofita chaMaraki here? Kwete zvizere.

Chekutanga, nyika haisati "yapisa sechoto", saka tinoziva kuti chimwe chikamu chaMaraki 4 chigere kuitika. Chimwe chikamu chegwaro chisina kuzadzikiswa naJohane chaiva, "kudzorera mwoyo yevana kumadzibaba avo." Zvino, Jesu, pachaKe, akaporofita kuti Eria achauya (munguva ichauya) kuzodzoreredza zvinhu zvese. (Mateo 17:11)

Naizvozvo tinofanira kunge tichitarisira Eria Kuuya kwePiri kwaKristu kusati kwasvika!

Zvino, muzuva rino ranhasi, yave nguva yeKuuya kwePiri kwalshe Jesu. Zvakare, takavimbisa kuti mweya waEria uchaMuzivisa kwatiri maererano naMaraki 4. Asi iboka ripi ravanhu richacherechedza Eria paanouya? Avo chete vari kumutsvaga.

Aya Mashoko aShe naMuponesi wedu anouya mundangariro patinofunga chiporofita chaMaraki pamusoro penguva dzino dzekuguma:

**Asi ndinoti kwamuri, Eriya wakatosvika,
asi havana kumuziva...**

Mateo 17:12



Ko kana tikapotsa kuuya kwaEria uku?
Tichapotsa Kuuya kwePiri kwaKristu here,
sekupotsa kwakaita vanyori neVafarise
Kuuya kwaKe kweKutanga nekuti Havana
kucherechedza Johane Mubhabhatidzi?



Tsigiro

II MADZIMAMBO 2:15

Zvino vanakomana vavaporofita vakanga vari pajeriko pakatarisana naye vakati vachimuona, vakati, **Mweya waEria wogara pamusoro paErisha.** Vakandosangana naye, vakakotamira pasi pamberi pake.

ISAYA 40:3-4

Inzwi rounodanidzira murenje achiti, Gadzirai nzira yaJEHOVHA, ruramisirai Mwari wedu mugwagwa mugwenga.

Mipata yose ichazadzwa, makomo ose nezvikomo zvese zvichaderedzwa: pana makoronga pachaenzanisa, pasakaenzana pachaitwa bani: [Johane Mubhabhatidzi]

MARAKI 3:1

Tarirai, ndinotuma nhume yangu [Johane Mubhabhatidzi], **iyе uchagadzirira nzira yangu pamberi pangу:** ipapo Ishe, wamunotsvaga, uchasvika pakarepo patembere yake, iye mutumwa wesungano, wamunoshuva: tarirai, unouya, ndizvo zvinotaura JEHOVHA wehondo.

MARAKI 4:1-6

Nokuti, **tarirai, zuva richauya, richapisa sechoto** [harisati rasvika zvino]; ipapo vase vanozvikudza, hongu, navose vanoita zvakaipa, vachava samashanga: zuva richauya richavapisa, rikasavasiyira mudzi kana davi, ndizvo zvinotaura JEHOVHA wehondo.

Asi imi munotya zita rangu muchabudirwa neZuva rokururama rine kuporesa mumapapiro aro; muchabuda, muchitamba semhuru dzemuchirugu.

Muchatsikira vakaipa pasi; nokuti vachava madota pasi petsoka dzenyu nezuva randichaita izvozvi, ndizvo zvinotaura JEHOVHA wehondo.

Rangarirai murairo waMosesi muranda wangu, wandakuraira paHorebhi wavaIsraeri vase, izvo zvandakatema nezvandakaraira.

Tarirai, **ndichakutumirai muporofita Eria zuva iro guru raJEHOVHA rinotyisa risati rasvika: iye uchadzorerwa mwoyo yemadzibaba kuvana** [Johane Mubhabhatidzi], **nemwoyo yevana kumadzibaba avo** [Eria Wanhasi], kuti ndirege kuiya ndirove nyika nokutuka.

MATEO 11:10

Nokuti ndiye, wakanyorwa pamusoro pake zvichinzi, Tarirai, ndinotuma munyai wangu pamberi pako, achakugadzirira nzira yako pamberi pako. [Maraki 3:1, Johane Mubhabhatidzi]

MATEO 11:14

Kana muchida kuzvigamuchira, ndiye Eriya, wakanga achinzi unouya. [Johane Mubhabhatidzi]

MATEO 17:11-12

Jesu akapindura akati kwavari, **Eriya uchauya hake, avandudze zvinhu zvese.** [Eria Wanhasi]
Asi ndinoti kwamuri, Eriya wakatosvika, asi havana kumuziva, asi vakamuitira pavakada napo. Saizvozvovo Mwanakomana wemunhu uchabva wotambudzwa navo. [Johane Mubhabhatidzi]

RUKA 1:17

Uchafamba pamberi pake nemweya nesimba raEria, kuti adzorere mwoyo yemadzibaba kuvana, nevasingatereri kuuchenjeri hwetakurrama; agadzirire Ishe vanhu vakamugadzirirwa kwazvo. [Johane Mubhabhatidzi]

Shoko SHOKO

VAHEBHERU 4:12

NOKUTI SHOKO RAMWARI
IBENYU, RINE SIMBA, RINOPINZA
KUKUNDA MUNONDO UNOCHEKA
KUMATIVI MAVIRI, RINOBAYA
KUSVIKIRA PANOPARADZANA
MOYO NOMWEYA, NAMAFUNDU
NEMWONGO, RINONZVERA
MIFUNGO NENDANGARIRO
DZEMOYO.

Nedzidziso, masangano, nezvitendwa zvakatsauka zvakawanda munyika nhasi, mutendi wechokwadi anokwana papi? Dai Petro, Jakobho, naJohane vaive panyika nhasi uno, vaijoinha sangano ripi? Zvishamiso zvairamba zvichitevera shumiro yavo here kana kuti vaiti mazuva iwayo akapfuura kare? Vairerutsa parubhabhatidzo here? Vaitevera dzidziso yechichi yavo here chero hayo ichiti siyanei zvishoma neShoko? Vaizotenda Bhaibheri here, kana kuti vaizotenda vaFarise nevaSadhuse vanhasi?

Zvibvunze mubvunzo uyu: Dai Jesu Kristu anga ari pano nhasi, waizosiya zvese here kuti uMutevere? Waizotenda Shoko raKe here?

Akakupa mukana mumwe chete waAkapa vadzidzi vaKe. Aisa kabhuku aka muruoko rwako kukunongedzera kudzoka kuShoko raKe, Bhaibheri raKe. Ucharerutsa here?

*Varume nevakadzi, shamwari,
munocherechedza kuti Mwari weKudenga
akamutsa Kristu Jesu kubva kuvakafa,
haAna kufa asi iYe mupenyu. Zvino
kana Akachengeta Shoko raKe kuna
Dhavhidha, kana Akarichengeta kuna Eria,
kana Akarichengeta kuna Mosesi, kana
Akarichengeta kuvana vechiHebheru,
kana Akarichengeta kuna--kuna Dhanieri,
Acharichengeta kwauri neni.*



UNGADA KUZIVA ZVIMWE HERE?

www.mharidzo.org

KANA KUTI

VOICE OF GOD RECORDINGS
P.O. Box 412
HARARE, ZIMBABWE
(8 ST ANNES ROAD, AVONDALE, HARARE)
00263-4-303847



CHAKAVANZIKA CHAMWARI

ZVAKAZARURWA 10:7

www.mharidzo.org

VOICE OF GOD RECORDINGS
P.O. BOX 412
HARARE, ZIMBABWE
(8 ST ANNES ROAD, AVONDALE, HARARE)
00263-4-303847
SHONA